


《續修四庫全書》編纂委員會編

續修四庫全書



上海古籍出版社

九一六・史部・目錄類

隋書經籍志考證五十二卷（卷三十九之五至卷四十）	〔清〕姚振宗撰	一
補五代史藝文志一卷	〔清〕顧懷三撰	一五三
宋史藝文志補一卷	〔清〕倪燦撰	一六五
補遼金元藝文志一卷	〔清〕倪燦撰	一八七
元史藝文志四卷	〔清〕錢大昕撰	二三一
國史經籍志六卷	〔明〕焦竑撰	二八一
七略別錄佚文一卷	〔漢〕劉向撰 〔清〕姚振宗輯	五五五
崇文總目輯釋五卷附錄一卷	〔宋〕王堯臣等撰 〔清〕錢東垣等輯釋 〔清〕錢侗補遺	六〇五

隋書經籍志考證卷三十九之五
集部二之五

別集類五東晉

梁又有晉明帝集五卷錄一卷亡

晉書本紀帝諱紹字道畿元帝長子元帝爲晉王立爲晉太子及卽尊號立爲皇太子有文武才略欽賢愛客雅好文辭當時名臣自王導庾亮溫嶠桓彝阮放等咸見親待嘗論聖人眞假之意導等不能屈又習武藝善撫將士於時東朝濟濟遠近屬心焉永昌元年閏月庚寅卽皇帝位改元太寧在位三年崩年二十七帝聰敏有機斷尤精物理時兵因歲創死疫過半虛弊既甚事極艱虞屬王敦挾震主之威將移神器帝崎嶇遵養以弱制強潛謀獨斷廓清大祿改授荆湘等四州以分上流之勢撥亂反正強本弱枝雖享國日淺而規模弘遠矣

文心雕龍時序篇曰元皇中興拔文建學逮明帝秉哲雅好文會升儲御極學藝講藝練情於語策振采於辭賦庚以筆才逾親溫以文思益厚揄揚風流亦彼時之漢武也

唐書經籍藝文志晉明帝集五卷

嚴氏文編曰晉明帝有集五卷今存彈賦及詔冊書凡二十九篇編爲一卷

梁又有簡文帝集五卷錄一卷亡

簡文帝有談疏六卷見子部道家
晉書本紀帝少有風儀善容止留心典籍不以居處爲意凝塵滿席滿如也遺詔以桓溫

輔政溫威振內外帝雖處尊位拱默守道而已又史臣曰簡皇以虛白之姿在屯如之會政自桓氏祭則寡人

文心雕龍時序篇曰簡文帝勃興淵乎清峻微言精理函滿玄席澹思濃采時麗文囿

唐書經籍藝文志晉簡文帝集五卷

嚴氏全晉文編簡文帝有集五卷今存詔表奏箋書凡十二篇

梁又有孝武帝集二卷錄一卷亡

晉書本紀帝諱曜字昌明簡文帝第三子也

咸安二年秋七月乙未立爲皇太子是日簡文帝崩帝卽位改元二曰寧康曰太元在位二十四年爲張貴人所弑暴崩時年三十五

又王珣傳孝武帝雅好典籍珣珣與殷仲堪徐

逸王恭郗恢等並以才學文章見昵於帝

又殷仲堪傳仲堪善屬文孝武帝召爲太子

中庶子甚相親愛帝嘗示仲堪詩乃曰勿以

己才而笑不才

又徐逸傳孝武帝始覽典籍招延儒學之士

逸處西省前後十年帝宴集酣樂之後好爲

手詔詩章以賜侍臣或文詞率爾所言穢雜

逸每應時收斂還省刊削皆使可觀經帝重

覽然後出之是時侍臣被詔者或宣揚之故

時議以此多逸案謝靈運亦有是事疑卽徐逸本

而傳譌爲謝靈也 又徐逸弟廣孝武帝與校秘書省增

置書職崇文總目傳序云東晉三千一十四卷李充校孝

武增益三萬餘卷徐度校徐度似徐廣之誤蓋當時亦頗

漢孝成故事大收篇籍也

文心雕龍時序篇曰元皇中興拔文建學明

帝秉哲雅好文會及成康促齡穆哀短祚簡

文勃興淵乎清峻至孝武不嗣安恭已矣自

中朝貴玄江左稱盛因談餘氣流成文體是

以世極連遭而辭意夷泰詩必柱下之指歸

賦乃漆園之義疏故知文變染乎世情興廢

繫乎時序者矣

嚴氏全晉文編孝武帝有集二卷今存詔書

帖凡三十八篇

梁又有彭城王紘集二卷亡

晉書宗室傳彭城穆王權宣帝弟肱之子也

武帝受禪封彭城王薨子元王植立薨子康

王釋立釋子紘字偉德元帝卽位拜散騎侍

郎翊軍校尉前將軍既嗣立拜國子祭酒散

騎常侍大宗正祕書監有風疾性理不恆或

欲上疏陳事歷示公卿又杜門讓還章印貂

蟬著杜門賦以顯其志由是更拜光祿大夫

領大宗師常侍如故後疾甚馳騁無度詔解

職養疾咸康八年薨

唐書經籍藝文志彭城王集八卷案此八卷卽

與下議王集三卷互誤

嚴氏全晉文編彭城王紘有集二卷御覽六

百五十七引晉書有上言宜勅作樂賢堂佛

像頌一篇 案晉書誤傳彭城王紘上言樂賢堂有

先帝手畫佛像經解題而此堂猶存宜勅作頌帝下其

議誤謄之

梁又有譙烈王集九卷錄一卷亡

晉書宗室傳譙剛王遜宣帝弟進之子也武

續修四庫全書 史部 目錄類

帝受禪封譙王次子閔王承渡江嗣父遜爲
繼王承子烈王無忌字公壽咸和中拜散騎
侍郎屯騎校尉中書黃門侍郎建元初遷御
史中丞出爲輔國將軍長沙江夏相南郡河
東太守隨桓溫伐蜀以勳進號前將軍永和
六年薨

本志總集類梁有晉中丞司馬無忌奏事十
三卷亡

唐書經籍藝文志晉譙王集三卷案譙王不止
一人此但譙王若非七諱明著其諱幾莫辨爲何人之
作矣 又此三卷似與前彭城王集八卷卷數互易 又
畢氏考證謂世說注引司馬無忌傳蓋即此譙烈王別傳
也

嚴氏全晉文編譙王無忌有集九卷北堂書
鈔有圓竹扇賦宋書禮志有京兆府君遷主
議通典有王允之表郡名與祖名同乞改授
議凡三篇

晉會稽王司馬道子集八卷梁九卷

晉書簡文三子傳會稽文孝王道子字道子
少以清澹爲謝安所稱年十歲封琅邪王後
封會稽王安帝即位累進太傅揚州牧領司
徒元興元年桓玄奏道子酣縱不孝常棄市
詔徙安成郡使御史杜竹林防衛意承玄旨
醢殺之時年三十九玄敗追贈丞相

唐書經籍志晉會稽王集八卷案刻本不著卷
數
唐書藝文志晉會稽王道子集八卷
嚴氏全晉文編會稽王道子諡曰文孝王世

說言語篇注作孝文王有集八卷今存疏啓
書七篇

梁又有鎮東從事中郎傳毅集五卷亡

傳毅始末未詳

唐書經籍志傳毅集五卷

晉衡陽內史曾環集三卷梁四卷錄一卷

環當爲環始末未詳

唐書經籍藝文志曾環集五卷

嚴氏全晉文編曰曾環爲衡陽內史有集三

卷通典卷九十有爲舊君服議一篇

梁又有驃騎將軍顧榮集五卷錄一卷亡

晉書本傳榮字彥先吳國吳人也爲南土著

姓祖雍吳丞相父穩宜都太守榮機神朗悟

弱冠仕吳爲黃門郎太子輔義都尉吳平與

陸機兄弟同入洛時人號爲三俊例拜爲郎

中歷尚書郎太子中舍人廷尉正中書侍郎

以討葛旗功封嘉興伯後還吳元帝鎮江東

以爲軍司加散騎常侍凡所謀畫皆以諸葛

榮旣南州望士躬處右職朝野甚推敬之永

嘉六年卒官以討陳敏功表贈侍中驃騎將

軍開府儀同三司諡曰元及帝爲晉王追封

爲公開國食邑千戶

唐書經籍志晉顧榮集二卷藝文志五卷

嚴氏全晉文編顧榮有集五卷今存上安東

將軍箋上書言南土人士與親故書與楊彥

明書鄉人書凡五篇

晉司空賀循集十八卷梁二十卷錄一卷

賀循有喪服要見經部禮類

晉書本傳循操尚高厲言行進止必以禮讓
又曰少玩篇籍善屬文

又史臣曰元帝樹基淮海夢想羣材共康庶

續顧紀賀薛等並南金東箭世尚高門而循

位登保傅朝望特隆遂使變躡降臨承明下

拜雖西漢之恩崇張禹東都之禮重桓榮弗

是過也晉書列傳二十八以顧榮紀賀薛等爲一

卷也

又王導傳元帝徙鎮建康導進計曰顧榮賀

循此土之望未若引之以結人心二子既至

則無不來矣帝乃使導躬造循榮二人皆應

命而至由是吳會風靡百姓歸心也導又言

顧榮賀循紀瞻周玘皆南土之秀願盡優禮

帝納焉

唐書經籍藝文志賀循集二十卷

嚴氏全晉文編賀循有集二十卷今存上表

上言答問答難議書論祭儀宗義葬禮喪服

要記等凡四十一篇

梁又有散騎常侍張杭集二卷錄一卷亡杭當
爲元

晉書張載傳載安平人也載弟協協弟元字

季陽才藻不逮二昆亦有屬綴又皆音樂伎

術時人謂載允陸機雲曰二陸三張中興

初過江拜散騎侍郎祕書監荀綏舉允領佐

著作郎出補烏程令入爲散騎常侍復領著

作述曆贊一篇見律曆志

唐書經籍藝文志張杭集二卷新志一本作三
卷

梁又有車騎長史賈彬集三卷錄一卷亡

賈彬或作賈霖始末並未詳

唐書經籍藝文志賈霖集三卷

嚴氏全晉文編賈彬爲車騎長史有集三卷

藝文類聚初學記引筆賦一篇

晉光祿大夫衛展集十二卷梁十五卷

晉書衛展傳河東安邑人也子恆恆族弟

展字道舒歷尚書郎南陽太守永嘉中爲江

州刺史累遷晉王大理詔有考子證父或鞭

父母問子所在展以爲恐傷正教並奏除之

中興建爲廷尉上疏宜復肉刑語在刑法志

卒贈光祿大夫

唐書經籍藝文志衛展集十四卷

嚴氏全晉文編衛展有集十五卷初學記有

陳諺言表刑法志及通典有上書言祖父不

合從坐上言宜復肉刑凡三篇

梁又有東晉太尉荀組集三卷錄一卷亡

爲組

晉書荀勗傳勗穎川潁陰人有十子其達者

輯藩組組字大章弱冠太尉王衍見而稱之

曰夷雅有才識初爲司徒左西屬累遷至愍

帝時進封臨潁縣公位太尉領豫州牧及西

都不守組乃遣使移檄天下共勸進元帝以

組爲司徒錄尚書事永昌初遷太尉未拜薨

年六十五諡曰元

唐書經籍藝文志荀組集二卷

嚴氏全晉文編荀組有集三卷今存表二篇

議一篇

晉祕書郎張委集九卷梁五卷

張委始末未詳

案嚴氏全宋文編云太平御覽三百五十

八有張委九愍一篇張委爵里未詳御覽

列於顏延之後殷琰之前知是宋人宗案

或卽此張委未可知也

梁又有關內侯傅珉集一卷亡

傅珉始末未詳

梁又有光祿大夫周顒集二卷錄一卷亡

晉書周顒傳浚汝南安成人也以平吳功封

成武侯侯代王渾爲使持節都督揚州諸軍事

安東將軍卒於位三子顒嵩謨嗣爵字伯

仁少有重名神采秀徹人士宗附之弱冠襲

父爵拜祕書郎累遷尚書吏部郎元帝鎮江

左爲軍諮祭酒中興建補吏部尚書左僕射

領吏部王敦構逆與戴若思俱被害時年五

十四敦卒追贈左光祿大夫議同三司諡曰

康

唐書經籍藝文志周顒集二卷

嚴氏全晉文編周顒有集二卷本傳載讓太

子少傳表刑法志及通典載復肉刑議凡二

篇

晉太常謝鯤集六卷梁二卷

晉書本傳鯤字幼輿陳國陽夏人少知名通

簡有高識不修威儀好老易能歌善鼓琴王

衍嵇紹並奇之左將軍王敦引爲長史以討

杜弢功封咸寧亭侯爲敦大將軍長史敦不

臣之迹顯於朝野鯤知不可以道匡弼乃優

游寄寓不屑政事從容諷議卒歲而已每與

畢卓王尼阮放羊曼桓彝阮孚等縱酒後敦

出鯤爲豫章太守卒官年四十三敦死後追

贈太常諡曰康

唐書經籍志謝鯤集二卷

唐書藝文志謝鯤集二卷

嚴氏文編曰謝鯤爵里未詳藝文類聚三引

琨秋夜長一條以爲宋人下文稱蘇彥何瑋

伏系之皆爲宋人知諸宋字皆晉之誤琨與

混形相近今姑編於謝混之後俟考

案晉書王廙傳明帝與大將軍溫書曰

痛謝琨未絕於口世將復至於此並盛年

雋才不遂其志廙明古多通鯤達有識致

史文於此數語之中已見鯤互見舊新唐

志亦鯤琨互異知琨卽爲鯤卽此謝鯤非

兩人謝衡之子也

元化論序嚴氏未宋又有樂廣別傳

晉驃騎將軍王廙集十卷梁三十四卷錄一卷

邪

王廙有周易注見經部易家

晉書本傳廙少能屬文多所通涉工書畫善

音樂射御博奕雜伎元帝卽位上疏曰臣少

好文學志在史籍而飄放遐外常與桀寇爲

對臣犬馬之年四十三矣未能上報天施而

譽負屢彰恐先朝露填溝壑令微情不得上

達謹竭其頑獻中興賦一篇雖未足以宣揚

盛美亦是嗟歎之義也又曰臣還京都陛下見臣白兔命臣作賦

唐張彥遠歷代名畫記曰虞善屬詞工書畫過江後爲晉代書畫第一又曰虞畫爲晉明帝師書爲右軍法時右軍亦學畫於虞虞畫孔子十弟子贊云余兄子羲之幼而岐嶷必將隆余堂構今始年十六學藝之外書畫過目便能就余請書畫法余畫孔子十弟子圖以勵之嗟爾義之可不勸哉畫乃吾自畫書乃吾自書吾餘事雖不足法而書畫固可法欲汝學書則知積學可以致遠學畫可以知師弟子行己之道又各爲汝贊之注云見原本

唐書經籍藝文志王廙集十卷嚴氏全晉文編王廙有集三十四卷今存洛都賦思逸民賦筆賦白兔賦春可樂中興賦上疏書帖率我贊保傳範婦德歲凡十篇梁又有華譚集二卷亡

華譚有新論見子部儒家晉書本傳譚好學不倦爽慧有口辯爲鄰里所重太康中刺史嵇紹舉譚秀才將行別駕陳總餞之因問曰思賢之主以求才爲務進取之士以功名爲先何仲舒不仕武帝之朝賈誼失分漢文之世此吳晉之滯論可辯此理而後別至洛陽武帝親策之時九州秀孝策無逮譚者譚素以才學爲東土所推同郡劉頌時爲廷尉見之歎息曰不圖鄉里乃有

如此才也爲甄城令過濮水作莊子贊以示功曹而廷掾張延爲作答教其文甚美譚異而薦之又舉寒族周訪爲孝廉領郡大中正薦于寶范兆於朝爲秘書監時晉陵朱鳳吳郡吳震並舉行清修老而未調譚皆薦爲著作佐郎戴若思弟邀譚女壻也譚平時常抑若思而進邀若思每銜之迨用事恆毀譚於帝由是官塗不至每懷缺望云

唐書經籍藝文志華譚集二卷二志皆列之西晉人中非是嚴氏全晉文編華譚有集二卷今存尙書二曹論舉秀才對策上箋求退對別駕陳總問遺顧榮等書移前松滋令袁甫并新論佚文凡七篇

晉御史中丞熊遠集十二卷梁五卷錄一卷晉書本傳遠字孝文豫章南昌人也有志尙州舉秀才除監軍華軼司馬領武昌太守寧遠護軍元帝作相引爲主簿累遷御史中丞侍中補會稽內史王敦作逆諷朝廷徵遠還拜太常敦深憚其正而有謀引爲長史數月病卒

唐書經籍藝文志熊遠集五卷嚴氏全晉文編熊遠有集十二卷今存表疏奏議啓凡九篇梁又有湘州秀才谷儉集一卷亡

晉書甘卓傳卓遷湘州刺史中興初以邊寇未靜學校陵遲特聽不試孝廉而秀才猶依舊策試卓上疏以爲答問損益常須博古通

今明達政體必求諸墳索乃堪其舉臣所忝州往遭寇亂學校久替人士流播不得比之餘州策試之由常藉學功謂宜同孝廉例申與期限疏奏朝議不許卓於是精加隱括備禮舉桂陽谷儉爲秀才儉辭不獲命州厚禮遣之諸州秀才聞當考試皆憚不行惟儉一人到臺遂不復策試儉恥其州少士乃表求試以高第除中郎儉少有志行寒苦自立博涉經史於時南土凋荒經籍道息儉不能遠求師友唯在家研精雖所得實深未有名譽又恥銜耀取達遂歸終身不仕卒於家

嚴氏全晉文編曰谷儉字士風湘州桂陽人中興初刺史甘卓舉秀才策試高第除中郎尋歸不復仕有集一卷太平御覽引角賦通典有夫沒歸宗未嫁而亡爲服議凡二篇梁又有大鴻臚周嵩集三卷錄一卷亡

晉書周浚傳浚汝南安成人三子顯嵩嵩字仲智狷直果俠每以才氣陵物元帝作相引爲參軍及帝爲晉王拜奉朝請以諫稱尊號忤旨出爲新安太守更拜御史中丞是時帝以王敦勢盛漸疎忌王導等嵩上疏奏帝威悟故導等獲全王敦既害顯而使入弔嵩用爲從事中郎後誣嵩及周筵潛相署置遂害之又王敦傳明帝下詔罪狀曰周嵩亮直謫言致禍周札周鑑累世忠義應受譴構殘夷其宗

唐書經籍藝文志周嵩集三卷嚴氏全晉文編曰嵩爲王敦所害敦平追贈大鴻臚有集三卷今惟見本傳載上晉王疏

諫疎忌王導等疏凡二篇
晉弘農太守郭璞集十七卷梁十卷錄一卷

郭璞有毛詩拾遺見經部詩家

晉書本傳璞好經術博學有高才而訥於言
論辭賦爲中興之冠著江賦其辭甚偉爲世
所稱後復作南郊賦帝見而嘉之數言便宜
多所匡益明帝在東宮與溫嶠庾亮並有布
衣之好璞亦以才學見重埒於嶠亮論者美
之自以才高位卑乃著客傲所撰注數十萬
言所作詩歌詠頌亦數萬言皆傳於世

世說文學篇注續晉陽秋曰魏正始中王弼
何晏好莊老玄勝之談而世遂貴焉至過江
佛理尤盛故郭璞五言始會合道家之言而
韻之其後許詢孫綽轉相祖尚

鍾嶸詩品曰永嘉時貴黃老稍尚虛談於時
篇什理過其辭淡乎寡味爰及江表微波尚
傳郭景純用儒上之才變創其體又曰晉弘

農太守郭璞詩憲章潘岳文體相輝彪炳可
翫始變永嘉平淡之體故稱中興第一翰林
以爲詩首但游仙之作辭多慷慨乖遠玄宗
而云奈何虎豹姿又云戢翼棲榛梗乃是坎

壘詠懷非列仙之趣也
文心雕龍明詩篇曰江左篇製溺乎玄風嗤
笑徇務之志崇盛亡機之談袁孫已下雖各

有彫采而辭趣一揆莫與爭雄所以景純仙
篇挺拔而爲俊矣又詮賦篇曰景純綺巧縝
理有餘雜文篇云景純客傲情見而采蔚才
略篇云景純艷逸足冠中興郊賦既程穆以

大觀仙詩亦飄飄而凌雲矣

唐書經籍藝文志郭璞集十卷宋史藝文志六

卷

馮氏詩記輯存贈溫嶠贈潘尼游仙詩無題
詩十九首

張氏百三家郭弘農集輯本凡賦疏表序設
難哀策文爲一卷山海經圖贊爾雅圖贊及
詩爲一卷

汪氏文選撰人篇目晉郭景純璞有江賦游
仙詩

嚴氏全晉文編輯存巫咸山賦江賦鹽池賦
井賦流寓賦南郊賦登百尺樓賦蜜蜂賦蚍

蜚賦龜賦凡十篇表一篇疏五篇奏二篇客
傲爾雅方言山海經注序爾雅圖贊四十八
山海經圖贊二百六十六元皇帝哀策文編
爲四卷

晉張駿集八卷殘缺

晉書張軌傳軌安宗烏氏人漢常山王耳十
七代孫也以惠帝永寧初出爲護羌校尉涼

州刺史由是遂霸河西在州十五年卒子寔
嗣在位六年卒弟茂攝州事在位五年卒寔

子駿嗣位駿字公庭幼而奇偉十歲能屬文
卓越不羈有計略勤脩庶政總御文武咸得
其用遠近嘉詠號曰積賢君自軌據涼州屬
天下之亂所在征伐軍無寧歲至駿境內漸
平在位二十二年卒時年四十私諡曰文公
穆帝追諡忠成公
文心雕龍章表篇曰劉琨勸進張駿自序文

致耿介並陳事之美表也

馮氏詩記輯存雍露行東門行各一篇

嚴氏全晉文編輯前涼張駿建興末封霸城侯
太寧二年嗣茂位劉曜拜爲涼州牧涼王猶
奉愍帝年號稱建興十二年後又稱藩於李

雄石勒至咸和八年猶稱建興二十一年至
永和二年卒在位二十三年有集八卷本傳
載上疏請討石虎李期下令境中御覽載山

海經圖贊二條凡三篇
晉大將軍王敦集十卷殘缺

晉書叛逆傳王敦字處仲司徒導之從父兄
也眉目疎朗性簡脫有鑒裁學通左氏尤好

清談時人莫知惟族兄戎異之洗馬潘滔見
而目之曰處仲蜂目已露但豺聲未振若不
噓人亦當爲人所噓明帝太寧二年病死有

司議曰王敦滔天作逆有無君之心宜依崔
杼王凌故事剖棺戮尸以彰元惡於是發瘞
出尸焚其衣冠踣而刑之懸於南桁觀者莫

不稱慶史臣曰琅邪之初鎮建業龍德猶潛
雖當壁膺圖預定於冥兆豐功厚利未彼於
黎氓王敦歷官中朝威名夙著作牧淮海望

實逾隆遂能弼成王度光佐中興此功固不
細也既而負勳高而圖非望恃勢偏而肆驕
陵霄際起自刁劉禍難成於錢沈興晉陽之
甲纏象魏之兵蜂目既露豺聲又發擅竊國
命殺害忠良遂欲篡竊乘輿逼遷龜鼎賴嗣
君英略股肱戮力用能運茲廟算殄彼凶徒
載清天步

唐書經籍藝文志王敦集五卷

嚴氏全晉文編曰王敦祥弟覽之孫有集十卷今存表疏書凡十篇

梁有吳興太守沈充集二卷亡

晉書叛逆王敦傳永昌元年敦率衆內向以誅劉隗爲名又上表罪狀刁協敦黨吳興人

沈充起兵應敦敦以沈充錢鳳爲謀主諸葛瑤鄧嶽周撫李恆謝雍爲爪牙等並凶險

驕恣其相驅扇殺戮自己又大起營府侵人田宅發掘古墓剽掠市道士庶解體咸知其禍敗焉後周光斬鋒鳳吳儒斬沈充並傳首

京師於是戮敦尸與充首同日懸於南衙又曰充字士居好兵書頗以雄豪聞於鄉里敦

引爲參軍充因薦同郡錢鳳敦以爲鎧曹參軍數得進見知敦有不臣之心因進邪說遂

相朋搆專弄威權言成禍福充敗歸吳與亡失道誤入其故將吳儒家儒誘充殺之

嚴氏全晉文編曰沈充吳興武康人爲王敦參軍遷吳興太守從敦舉兵敗歸爲故將吳

儒所殺有集二卷類聚御覽引充鴻臚序一篇

篇

梁有散騎常侍傅純集二卷錄一卷亡

傅純始末未詳

唐書經籍藝文志傅純集二卷

嚴氏全晉文編曰傅純元帝初爲太常博士

累遷散騎常侍有集二卷類聚有雉賦通典

有議及難凡四篇

晉光祿大夫梅陶集九卷梁二十卷錄一卷亡

梅陶有梅子新論一卷見子部儒家

唐書經籍藝文志梅陶集十卷

馮氏詩紀輯存怨詩行一篇

嚴氏全晉文編梅陶有集二十卷御覽有鵬

鳥賦序自敘陶侃傳有與曹識書凡三篇

梁又有金紫光祿大夫荀遵集二卷錄一卷亡

晉書荀助傳荀子藩藩子遵字道玄解音樂

善談論弱冠辟趙王倫相國掾數遷至愍帝

時加左將軍爲陳留相襲父爵西華縣公東

渡江元帝以爲軍諮祭酒拜侍中歷太常尚

書卒贈金紫光祿大夫諡曰靖

唐書經籍藝文志荀遵集二卷舊志誤作荀遵

晉散騎常侍王覽集九卷梁五卷覽當爲覽

晉書本傳覽字茂高堂邑人也父濬御史中

丞察少以文筆著稱初爲元帝琅邪國侍郎

時杜弢作逆江湘流弊王敦不能制朝廷深

以爲憂鑒上疏勸帝征之帝深納焉即命中

外戒嚴會弢已平而止中興建拜駙馬都尉

奉朝請出補永興令卒時年四十一文集傳

於世弟壽

唐書經籍藝文志王鑒集五卷

馮氏詩紀輯存七夕詩一篇

嚴氏全晉文編曰書鈔御覽有竹簾賦本傳

有勸親征杜弢疏凡二篇

梁又有晉著作佐郎王濤集五卷亡

王濤有三國志序評見史部正史類

唐書經籍藝文志王濤集五卷

梁又有廷尉卿阮放集十卷錄一卷亡

晉書阮籍附傳阮孚族弟放字思度少與孚

並知名中興除太學博士太子中舍人庶子

時雖戎車屢駕而放侍太子常說老莊不及

軍國明帝甚友愛之轉黃門侍郎吏部郎除

監交州軍事揚威將軍交州刺史到州少時

卒朝廷甚悼惜之年四十四追贈廷尉

唐書經籍藝文志阮放集五卷

梁又有宗正卿張俊集五卷錄一卷亡 俊當爲

俊

文選張士然表注孫盛晉陽秋曰張俊字士

然吳國人也元康中吳令謝詢表爲孫氏置

守家人俊爲其文詔從之晉百官名曰俊爲

太子庶子 汪氏文選誤人篇目曰晉張士然俊表爲

諸孫置守家表

唐書經籍志張俊集二卷 一本又誤作張俊

唐書藝文志張俊集二卷 一本又誤作張俊

嚴氏全晉文編曰張俊字士然吳國人有爲

吳令謝詢求爲諸孫置守家人表又曰張俊

一作俊爲宗正卿有集五卷藝文類聚九十

五引白兔頌一篇案嚴氏以張俊張俊爲二人蓋未

詳考張俊即張俊之誤也然非唐藝文志明條宋版本亦

幾無以證正矣俊官中朝至太子庶子過江左至宗正卿

又王虞奏中興賦表曰及臣還京都陛下見臣自命臣

作賦云此白兔頌當亦作於其時 又通志藝文略作

張俊是宋本隋書不誤

梁又有汝南太守應頤集二卷亡

應頤始末未詳

唐書藝文志應頤集二卷

嚴氏全晉文編曰應碩爲汝南太守有集二卷藝文類聚五有祝祖文一篇

梁又有金紫光祿大夫張闔集二卷錄一卷亡

晉書本傳闔字敬緒丹陽人吳輔吳將軍昭之曾孫也少有志操太常薛兼進之於元帝言闔才幹貞固當今之良器即引爲安東參軍轉丞相從事中郎帝爲晉王拜給事黃門侍郎以佐翼勳賜爵丹陽縣侯遷侍中帝踐阼出補晉陵內史免官後詔爲大司農遷尚書蘇峻之役王導潛與闔謀招集三吳義兵以討峻峻平賜爵宜陽伯遷廷尉以疾解職拜金紫光祿大夫尋卒時年六十四闔牋表文議傳於世

唐書經籍藝文志張闔集三卷嚴氏全晉文編張闔有集三卷今存表議難凡三篇

梁又有揚州從事陸沈集二卷錄一卷亡

陸沈始末未詳案前注梁有揚州從事陸沈集二卷錄一卷此陸沈即陸沈故唐經籍志不重出

唐書藝文志陸沈集二卷

梁又有驃騎將軍卞壺集二卷錄一卷亡

晉書本傳壺字望之濟陰宛句人也父粹中書令封成陽公爲長沙王父所害壺弱冠有名譽永嘉中除著作郎襲父爵累遷御史中丞以滅王含功封建寧縣公明帝不豫領尚書令與王導等俱受顧命成帝即位皇太后臨朝與庾亮對直省中共參機要亮徵蘇峻壺固爭不得峻果稱兵六軍敗績壺苦戰死

之時年四十八贈侍中驃騎將軍開府儀同三司諡曰忠貞二子珍肝見父沒相隨赴賊同時見害贈贈散騎侍郎肝奉車都尉又史臣曰卞壺東帶立朝以匡正爲己任襄裳衛主蹈忠義以成名遂使臣死於君子死於父惟忠與孝萃其一門古稱社稷之臣忠貞之謂矣

唐書經籍藝文志卞壺集二卷

嚴氏全晉文編曰卞壺有集二卷今存表奏議牋凡十一篇

梁又有光祿勳鍾雅集一卷亡

晉書本傳雅字彥胃潁川長社人好學有才思舉四行除汝陽令入爲佐著作郎尚書郎避亂東渡元帝以爲丞相記室參軍累遷侍中蘇峻之難王師敗績雅與劉超並侍衛天子明年並與超爲賊所害賊平追贈光祿勳嚴氏全晉文編曰鍾雅傳有奏改太廟祝文奏劾尚書梅陶各一篇

梁又有衛尉卿劉超集二卷亡

晉書本傳超字世瑜琅邪臨沂人漢城陽景王章之後也超少有志向爲琅邪國記室掾以忠謹清慎爲元帝所拔遂從渡江轉安東府舍人專掌文檄以左右勤勞賜爵原鄉亭侯中興建爲中書舍人拜騎都尉奉朝請時臺閣初建庶績未康超職典文翰而畏慎靜密彌見親待後從明帝征錢鳳封零陵伯蘇峻謀逆超爲右衛將軍與侍中鍾雅並遇害追贈衛尉諡曰忠超天性謹慎歷事三帝恆

在機密並蒙親遇而不敢因寵驕諂故士人皆安而敬之

又史臣曰鍾雅正直當官劉超勤肅奉上屬巨猾滔天幼君危偪乃崎嶇寇難契闊艱虞雖高赫在難彌恭苟息繼之以死方之二子曾何足云又贊曰鍾劉入仕忠貞攸履竭其股肱繼之以死

唐書經籍藝文志劉超集二卷

嚴氏全晉文編劉超有集二卷御覽書鈔淳化閣帖存表二條書一條

梁又有衛將軍戴邈集五卷錄一卷亡

晉書戴若思傳若思名淵唐人士謚故舉其字廣陵人也弟邈字望之少好學尤精漢史才不逮若思儒博過之弱冠舉秀才遷太子洗馬永嘉中元帝版行邵陵內史承平軍諮祭酒於時凡百草創學校未立邈上疏言之於是始脩禮學代劉隗爲丹陽尹王敦作逆加左將軍及敦得志而若思遇害邈坐免官敦誅拜尚書僕射卒官贈衛將軍諡曰穆

唐書經籍藝文志戴邈集五卷

嚴氏全晉文編戴邈有集五卷今惟本傳及宋書禮志載上表請立學校一篇

梁又有光祿大夫荀崧集一卷亡

晉書本傳崧字景猷潁川臨潁人魏太尉瓌之玄孫也志操清純雅好文章與王敦頗榮陸機等友善泰始中襲父爵爵安陵鄉侯累遷侍中中護軍後以勳進爵陽陽縣公改封曲陵公元帝踐阼徵拜尚書僕射使崧與刁

協共定中興禮儀轉太常大寧初以平王敦功更封平樂伯遷右光祿大夫開府儀同三司錄尚書領秘書監年雖衰老而孜孜典籍世以此嘉之咸和三年薨年六十七贈侍中諡曰敬

嚴氏全晉文編荀崧有集一卷今存疏議答問書凡六篇

晉大將軍溫嶠集十卷梁錄一卷

晉書本傳嶠字太真司徒羨弟愔之子也太原郡人懷帝時司徒性聰敏有識量博學能屬文少以孝悌稱於邦族風儀秀整美於談論大將軍劉琨妻嶠之從母也屢為琨將兵討石勒為之謀主琨所憑恃焉屬二都傾覆元帝初鎮江左琨使嶠奉表勸進帝器而嘉之王導周顒謝琨庾亮桓彝等並與親善會琨為段匹磾所害除散騎侍郎歷驃騎王導長史遷中庶子太子與為布衣之交數陳規諷又獻侍臣箴甚有弘益明帝即位拜侍中機密大謀皆所參綜詔命文翰亦悉豫焉王敦平封建寧縣開國公是時天下凋弊國用不足詔公卿以下詣都坐論時政之所先嶠因奏軍國要務七事多納之帝疾篤與王導鄭隆庾亮陸曄卞壺等同受顧命咸和初代應詹為江州刺史持節都督平南將軍鎮武昌蘇峻反京師傾覆而庾亮來奔乃遣督護王愨期奉陶侃為盟主於是列上尚書陳峻罪狀灑泣登舟移告四方征鎮侃雖為盟主而處分規略一出於嶠及賊滅拜驃騎將軍開

府儀同三司加散騎常侍封始安郡公還鎮武昌未旬而卒時年四十二贈侍中大將軍持節都督刺史公如故諡曰忠武陶侃上表曰故大將軍嶠忠誠著於聖世勳義感於神人非臣筆墨所能稱陳臨卒之際與臣書別臣藏之篋笥時時省視每一思述未嘗不中夜撫膺臨飯酸噎人之云亡嶠實當之謹寫嶠書上呈案是書今不傳

又史贊曰太真懷貞勤宣乃誠謀敦翦峻奮節擢名

文心雕龍銘箴篇曰溫嶠傳臣博而思繁又詔策篇曰晉氏中興唯明帝崇才以溫嶠文清故引入中書自斯以後體憲風流矣又奏啓篇曰晉氏多難災屯流移劉頌殷勤於時務溫嶠懇惻於費役並體國之忠規矣又才略篇曰庾元規之表奏密以閑暢溫太真之筆記循理而清通亦筆端之良工也唐書經籍藝文志溫嶠集十卷

嚴氏全晉文編溫嶠有集十卷今存蟬賦表疏奏軍國要務七事上言議教箋書移告四方征鎮釋奠頌侍臣箴凡二十二篇

晉侍中孔坦集十七卷梁五卷錄一卷

晉書孔愉傳愉會稽山陰人也其先世居梁國曾祖潛漢末避地會稽因家焉愉從子坦字君平少方直有雅望通左氏傳解屬文元帝為晉王以為世子文學數遷至咸和初為尚書左丞平蘇峻封晉陵男遷侍中廷尉卒年五十一諡曰簡

唐書經籍藝文志孔坦集五卷

曲阜孔繼汾闕里文獻考孔氏別集有先聖二十六代孫晉廷尉坦集十七卷梁錄宋史省五卷錄一卷案宋史當是唐書之誤

嚴氏全晉文編曰孔坦有集十七卷今存對策表奏議書凡五篇

梁又有臧沖集一卷亡

臧沖始末未詳

梁又有晉鎮南大將軍應瞻集五卷亡

應瞻有河南故事見史部舊事篇

晉書本傳瞻弱冠知名性質素弘雅犯而弗校以學藝文章稱司徒何劭見之曰君子哉若人及洛陽傾覆王澄為荊州詹掾挾流涕勸澄赴援澄使瞻為檄下筆便成辭義壯烈見者慷慨然竟不能從也元帝雅重其才云又史臣曰應瞻行業事修文史足用入居列位則嘉謀屢陳出撫藩條則惠政斯洽唐書經籍志應瞻集三卷藝文志五卷

嚴氏全晉文編應瞻有集五卷今存表疏上言書凡七篇

晉太僕卿王嶠集八卷太原

晉書王湛傳湛子承承族子嶠字開山父佑以才智稱嶠少有風尚并司二州交辟不就永嘉末攜其二弟避亂渡江時元帝鎮建鄴教曰王佑三息始至名德之貴並有操行宜蒙飾敘後為王敦參軍爵九原縣公明帝時累遷御史中丞祕書監拜廬陵太守卒官諡

曰穆案本傳不言曠爲太僕卿或其贈官史略之缺

唐書藝文志王嶠集二卷

梁有衛尉荀閻集一卷亡
晉書荀勗傳勗子藩藩子邃閻字道明亦有名稱京師爲之語曰洛中英英荀道明與邃俱渡江明帝從容問王廙曰二荀兄弟孰賢廙答以閻才明過邃歷御史中丞侍中尚書封射陽公太寧二年卒贈衛尉諡曰定

梁有鎮北將軍劉隗集二卷亡

晉書本傳隗字大連彭城人楚元王交之後也少有文翰起家秘書郎稍遷冠軍將軍彭城內史避亂渡江元帝以爲從事中郎隗雅習文史善求人主意帝深器遇之遷丞相司直委以刑憲彈奏不畏強禦晉國既建拜御史中丞太興初長兼侍中賜爵都鄉侯代薛兼爲丹陽尹與尚書令刁協並爲元帝所寵欲排抑豪強諸刻碎之政皆云隗協所建拜鎮北將軍都督青幽平四州軍事假節鎮泗口初隗以王敦威權太盛終不可制勸帝出腹心以鎮方隅故以譙王承爲湘州續用隗及戴若思爲都督敦甚惡之及敦作亂以討隗爲名詔徵隗還京師及入見與刁協奏請誅王氏不從有懼色率衆屯金城及敦剋石頭隗攻之不拔入宮告辭帝雪涕與之別至淮陰爲劉遐所襲攜妻子及親信二百餘人奔於石勒勒以爲從事中郎太子太傅卒年六十一
又刁協傳及王敦構逆上疏罪協帝使協出

督六軍既而王師敗績協與劉隗俱侍帝於太極東除帝執協隗手流涕鳴咽勸令避禍

協曰臣當守死不敢有貳帝曰今事逼矣安可不行乃令給協隗人馬使自爲計協年老不堪騎乘素無恩紀募從者皆委之行至江乘爲人所殺送首於敦敦聽刁氏收葬之帝痛協不免密捕送協首者誅之
文心雕龍奏啓篇曰若夫傳成勳直而按辭堅深劉隗切正而劾文闕略各其志也

本志總集篇梁有劉隗奏五卷亡

唐書經籍藝文志劉隗集三卷

嚴氏全晉文編劉隗有集二卷今存上言奏劾及答王敦書凡九篇

梁有大司馬陶侃集二卷錄一卷亡

陶侃有大司馬故事見史部舊事篇

晉書本傳侃性聰敏勤於吏職恭而近禮愛好人倫關外事千緒萬端罔有遺漏遠近書疏莫不手答筆翰如流未嘗壅滯引接疎遠門無停客常語人曰大禹聖者乃惜寸陰至於衆人當惜分陰豈可逸游荒醉生無益於時死無聞於後是自棄也諸參佐或以談戲廢事者乃命取其酒器蒲博之具悉投之於江將吏則加鞭朴曰撻痛者牧豬奴戲耳老莊浮華非先王之法言不可行也君子當正其衣冠攝其威儀何有亂頭養望自謂宏達耶

唐書經籍藝文志陶侃集二卷

嚴氏全晉文編陶侃有集二卷今存相風賦

表疏書凡十二篇

晉丞相王導集十一卷梁十卷錄一卷

晉書王祥傳祥琅邪臨沂人漢諫議大夫吉之後也弟覽字玄通母朱遇祥無道屢以非理使祥覽輒與祥俱又虐使祥妻覽妻亦趨而共之孝友恭恪名亞於祥晉初封即丘子以太中大夫歸老有六子裁某會正彥琛裁字士初撫軍長史初呂虔有佩刀工相之以爲必登三公可服此刀虔謂祥曰苟非其人刀或爲害卿有公輔之量故以相與祥固辭彌之乃受祥臨薨以刀授覽曰汝後必興足稱此刀覽後奕世多賢才興於江左裁子導別有傳

又本傳導字茂弘光祿大夫覽之孫也父裁鎮軍司馬元帝爲琅邪王與導素相親善契同友執及徙鎮建康情好日隆朝野傾心號爲仲父帝嘗從容謂導曰卿吾之蕭何也咸和五年薨時年六十四諡曰文獻案咸和爲咸康初導渡淮使郭璞筮之卦成璞曰吉無不利淮水絕王氏滅其後子孫繁衍意如璞言導六子悅恬洽協勸蒼
又咸帝本紀咸康四年夏六月改司徒爲丞相以太傅王導爲之五年秋七月庚申使持節侍中丞相領揚州刺史始興公王導薨八月壬午復改丞相爲司徒
又史臣曰茂弘策名枝屏叶情交好負其才智特彼江湖思建剋復之功用成翼宣之道於時王敦內侮蘇峻連兵實賴元宰潛運忠

謨竟窮吞沙之寇提挈三世終始一心稱爲仲父蓋其宜矣恬陶踵德副呂虔之贈刀也唐書經籍藝文志王導集十卷舊志誤作王導嚴氏全晉文編曰王導有集十一卷通典御覽並引王丞相集今存教長疏議啓箋書銘凡二十一篇

晉太尉郗鑒集十卷錄一卷

郗當爲郗郗鑒有尚書令故事見史部舊事篇

晉書本傳鑒少孤貧博覽經籍躬耕隴畝吟咏不倦以儒雅著名明帝以其有器望萬幾動靜輒問之乃詔鑒特草上表疏以從簡易案成帝本紀元康五年八月辛酉太尉南宮公郗鑒薨後王導一月而卒

唐書經籍藝文志郗鑒集十卷新志亦誤作郗嚴氏全晉文編郗鑒有集十卷本傳有討蘇峻傳師文藝文類聚以爲庾闡作今編入闡集存疏議駁書凡四篇

晉太尉庾亮集二十一卷梁二十卷錄一卷庾亮有難鄉射等議見經部禮類

晉書本傳亮美姿容善談論性好莊老風格

機警動由禮節閨門之內不肅而成時人或以爲夏侯太初陳長文之倫也中興初侍講東宮其所論釋多見稱述與溫嶠俱爲太子布衣之好時帝方任刑法以韓子賜皇太子亮諫以申韓刻薄傷化不足留聖心太子甚納焉時王敦在蘇湖帝使亮詣敦籌事敦與亮談論不覺改席而前退而歎曰庾元規賢

於裴頠遠矣

文心雕龍章表篇曰羊公之辭開府有譽於前談庾公之讓中書信美於往載序志顯類有文雅焉又才略篇云庾元規之表奏靡密以閑暢又程器篇云庾元規才華清英勳庸有聲故文藝不稱苦非臺岳則正以文才也唐書經籍藝文志庾亮集二十卷汪氏文選撰入篇目晉庾元規亮有讓中書令表

嚴氏全晉文編庾亮有集二十一卷今存表疏議教凡十篇

梁又有庾預集十卷錄一卷亡

庾預有晉書見史部正史篇

晉書本傳預少好學有文章雅好經史情疾玄虛其論阮籍裸袒比之伊川被髮所以胡虜遍於中國以爲過衰周之時所著詩賦碑誄論難數十篇

唐書經籍藝文志庾預集十卷

嚴氏全晉文編庾預有集十卷今存表疏議奏記箋書及晉書宣帝述凡九篇

梁又有平越司馬黃整集十卷錄一卷亡

黃整始末未詳

唐書經籍藝文志黃整集十卷

嚴氏全晉文編曰黃整永和初爲平越司馬有集十卷通典六十七引羣臣敬太后議一篇

晉護軍長史庾堅集十三卷梁十卷錄一卷

庾堅始末未詳

案此似范堅集之誤晉書范汪傳汪叔堅

字子常博學善屬文永嘉中避亂江東拜佐著作郎撫軍參軍討蘇峻賜爵都亭侯累遷尚書右丞成帝時遷護軍長史卒官子啓父子並有文筆傳於世堅蓋范寧之從祖也兩唐志有范宣集十卷考其前後次敘亦似即此范堅之集而誤堅爲宣范宣亦有集別見於後嚴氏文編輯存范堅蠟燈賦安石榴賦各一篇駁議一篇又此

作庾堅者因下文庾冰庾闡而寫誤歟通志時亦作庾堅是宋本隋書已如此堅別有春秋釋義三卷見經部春秋左氏學家

晉司空庾冰集七卷梁二十卷錄一卷

晉書庾亮附傳冰字季堅兄亮以名德流訓冰以雅素垂風諸弟相率莫不好禮爲世論所重亮常以爲庾氏之寶歷中書監揚州刺史都督揚豫兗三州征虜將軍假節是時王導新喪人情恒然冰兄亮既固辭不入衆望歸冰冰既當重任經綸時務不舍晝夜賓禮朝賢升擢後進由是朝野注心咸曰賢相康帝時出爲都督江荆寧益梁交廣七州豫州之四郡軍事領江州刺史假節鎮武昌尋卒時年四十九贈侍中司空諡曰忠成

宋書天竺迦毗黎國傳先是晉世庾冰始創議欲使沙門敬王者後桓玄復述其義並不果行

唐書經籍藝文志庾冰集二十卷嚴氏全晉文編庾冰有集二十卷今存爲成

帝詔及詔草疏書凡七篇

晉給事中庾闡集九卷梁十卷錄一卷

晉書文苑傳庾闡字仲初潁川鄆陵人好學

九歲能屬文爲太宰西陽王蒙掾累遷尚書

郎蘇峻之難闡出奔鄆蒙爲司空參軍峻平

以功賜爵吉陽縣男數遷爲零陵太守入湘

川弔屈原徵拜給事中復領大著作吳國內

史虞潭爲太伯立碑闡製其文又作揚都賦

爲世所重年五十四卒諡曰貞所著詩賦銘

頌十卷行於世

唐書經籍藝文志庾闡集十卷

馮氏詩紀輯存孫登隱居詩臨曲水三月三

日觀石鼓登楚山衡山江都遇風采藥詩游

仙詩凡九篇十八首

嚴氏全晉文編曰庾闡亮族人集十卷今

存賦義徵頌贊論戒文盟文弔文凡二十二

篇揚都賦存八條又有揚都賦注四條未審

他人爲之注抑闡自注也

晉著作郎王隱集十卷梁二十卷錄一卷

王隱有晉書見史部正史篇

唐書經籍藝文志王隱集十卷

嚴氏全晉文編王隱有集二十卷今存議論

銘各一篇

晉散騎常侍干寶集四卷梁五卷

干寶有易注見經部易家

晉書本傳寶少勤學博覽書記爲春秋左氏

義外傳注周易周官凡數十篇及雜文集皆

傳於世

文心雕龍才略篇曰孫盛干寶文勝爲史準

的所擬志乎典訓戶牖雖異而筆采略同

唐書經籍藝文志干寶集四卷

汪氏文選撰人篇目晉干令升寶有晉革命

論晉紀總論

嚴氏全晉文編干寶有集五卷今存表議論

序及司徒儀三條凡九篇

晉太常卿殷融集十卷

晉書殷仲堪傳仲堪陳郡人也祖融太常吏

部尚書

世說文學篇注中興書曰殷融字洪遠陳郡

人桓彝有人倫鑒見融甚歎美之著象不盡

意大賢須易論理義精微談者稱焉兄子浩

亦能清言每與浩談有時而屈退而著論融

更居長爲司徒左西屬飲酒善舞終日嘯詠

未嘗以世務自嬰累遷吏部尚書太常卿卒

唐書經籍藝文志殷融集十卷

嚴氏全晉文編曰殷融字洪遠陳郡長平人

咸和初爲庾亮都督府司馬後爲丹陽尹遷

尚書樞密時拜太常卿吏部尚書有集十卷

今存上言奏議凡六篇 案殷浩父義字洪喬融爲

義之弟浩之叔父也

梁有衛尉張虞集十卷亡

張虞始末未詳

唐書經籍藝文志張虞集五卷

嚴氏全晉文編曰張虞咸康中東陽太守累

遷爲衛尉卿有集十卷今存請旌孝子許孜

疏一篇見晉書孝友傳

梁有光祿大夫諸葛恢集五卷錄一卷亡

晉書本傳恢字道明琅邪陽都人祖誕魏司

空恢弱冠知名試守卽丘長轉臨沂令避地

江左名臣王導庾亮於時潁川荀閭字道明

陳留蔡謨字道明與恢俱有名譽號曰中興

三名人爲之語曰京都三明各有名譽氏儒

雅荀葛清討周馥有功封博陵亭侯數遷元

帝從事中郎兼統記室時四方多務箋疏殷

積恢斟酌酬答咸稱折中於時王氏爲將軍

而恢兄弟及顏含並居顯要劉超以忠謹掌

書命時人以帝善任一國之才討王含功進

封建昌伯累遷吏部尚書散騎常侍尚書令

成帝踐阼加侍中金紫光祿大夫卒年六十

二諡曰敬恢兄頤字道回亦爲元帝所器重

終於太常

唐書經籍藝文志諸葛恢集五卷

嚴氏全晉文編諸葛恢有集五卷今惟類聚

御覽引表四條

晉車騎將軍庾翼集二十二卷梁二十卷錄一卷

庾翼有春秋公羊論見經部春秋家

文心雕龍詔策篇曰教者效也言出而民效

也若諸葛孔明之詳約庾稚恭之明斷並理

得也而辭中教之善也

唐書經籍藝文志庾翼集二十卷

嚴氏全晉文編庾翼有集二十二卷今存表

疏教書十三篇

晉司空何充集四卷梁五卷

晉書本傳充字次道廬江潯人魏光祿大夫

顧之曾孫也充風韻淹雅文義見稱初解大將軍王敦掾少與王導善早歷顯官蘇峻平封都鄉侯穆帝時至驃騎將軍都督揚豫徐州領揚州刺史錄尚書事輔幼主爲宰相永和二年卒年五十五贈司空諡曰文穆

唐書經籍藝文志何充集五卷

嚴氏全晉文編何充有集五卷今存表疏奏議書凡七篇

梁又有御史中丞郝默集五卷亡

郝默始末未詳

唐書經籍藝文志郝默集五卷

梁又有征西諮議甄述集十二卷亡

甄述始末未詳

唐書經籍藝文志甄述集五卷

案晉書王尼傳尼初爲護軍府軍士胡輔之與王澄傳暢劉興荀遂裴遐迭鴈河南功曹甄述及洛陽令曹據請解之據等以制旨所及不敢蓋卽此甄述初爲河南尹功曹與曹據同官後渡江爲征西將軍府諮議參軍也此征西或是庾亮

梁又有武昌太守徐彥則集十卷亡

徐彥則始末未詳

嚴氏全晉文編曰徐彥永和初爲武昌太守有集十卷隋志注作徐彥則通典九十九有徐彥與征西桓溫牋

晉散騎常侍王愷期集七卷梁十卷錄一卷

王愷期有公羊傳注見經部春秋家

唐書經籍藝文志王愷期集十卷

嚴氏全晉文編王愷期有集十卷今存懷秋賦及議凡四篇

梁又有司徒左長史王濛集五卷亡太原

王濛有論語義見經部

晉書外戚傳濛祖佑北軍中候濛以清約見稱善隸書美姿容與沛國劉惔齊名友善簡文帝之爲會稽王也嘗與孫綽商略諸風流入綽言曰劉惔清虛簡令王濛溫潤恬和而濛性和暢能言理辭簡而有會

唐書經籍藝文志王濛集五卷

嚴氏全晉文編王濛有集五卷今存議箋各二篇

梁又有丹陽尹劉惔集二卷錄一卷亡

案此似劉惔集之誤也惔字真長沛國相人尙明帝女廋陵公主歷官至丹陽尹年三十六卒世說諸篇稱劉尹者是也晉書有傳兩唐志有劉惔集二卷舊志或誤作惔與此卷數相合又世說賞譽篇數稱王劉卽此王濛劉惔當時言風流者舉濛惔爲宗也觀七錄敘次則此爲惔非惔審矣唐志亦以此二家相類從嚴氏文編輯存惔答范汪問及酒箴各一篇

又案本志是處既確有劉惔集亦確有劉惔集因誤惔爲惔遂致去一條兩唐志於劉惔集二卷之外別有劉惔集五卷是其證也世說賞譽篇注宋明帝文章志曰劉惔字道生沛國人識局明濟有文武才王濛每稱其思理淹通蕃屏之高選爲車騎

司馬年三十六卒贈前將軍嚴氏文編云劉惔爲丹陽尹蓋沿本志此一條誤文未及詳究也馮氏詩紀輯惔詩一首嚴氏亦輯存其文二條

梁又有益州刺史袁喬集七卷亡

袁喬有論語注見經部

晉書袁瓌附傳瓌子喬博學有文才注論語及詩并諸文筆皆行於世

唐書經籍藝文志袁喬集五卷

嚴氏全晉文編袁喬有集七卷御覽有江賦序本傳有與褚裒書勸桓溫伐蜀議凡三篇

晉尙書令顧和集五卷梁有錄一卷

晉書本傳和字君孝侍中衆之族子也總角便有清操族叔榮雅重之曰此吾家麒麟與吾宗者必此子也王導爲揚州辟從事累遷御史中丞尙書令多所獻納永和七年以疾篤辭位拜左光祿大夫儀同三司卒年六十四追贈侍中司空諡曰穆

唐書經籍藝文志顧和集五卷

嚴氏全晉文編顧和有集五卷今存表疏奏議凡八篇

梁又有尙書僕射劉遐集五卷亡

劉遐始末未詳

唐書經籍藝文志劉遐集五卷

嚴氏文編曰劉遐爲尙書僕射永和初爲吏部尙書見褚裒傳案晉書別有劉遐傳非卽此通典一百四右將軍王遐司馬劉曇父名遐未審卽其人否遐有集五卷通典七十八

引其冬夏至寢鼓兵議一篇

梁又有徵士江淳集三卷錄一卷亡淳嘗爲

江惇有公羊音見經部春秋家

晉書江統附傳統次子惇孝友淳粹高節遇俗性好學儒玄並綜每以爲君子立行應依禮而動雖隱顯殊途未有不傍禮教者也若乃放達不羈以肆縱爲貴者非但動違禮法亦道之所棄也乃著通微論世咸稱之邑里宗其道有事必諮而後行東陽太守阮裕長山令王濛皆一時名士並與惇游處深相欽重及卒友朋相與刊石立頌以表德美云

梁皇侃論語義疏敘錄曰晉江熙集解論語有江惇說

唐書經籍志江淳集五卷

唐書藝文志江惇集五卷

梁又有魏興太守荀述集一卷亡

荀述始末未詳

梁又有平南將軍賀翹集五卷亡

賀翹始末未詳

梁又有李軌集八卷亡

李軌有周易音見經部易家

案李軌在晉代著述頗多可謂一大作手

其學長於音訓明習故事有周易尚書毛

詩三禮音春秋左氏穀梁音老子音莊子

音二京賦音二都賦音齊都賦音又有小

爾雅略解法言解又有泰始咸寧泰康永

平永嘉建興咸和咸康歷代起居注自武

帝以迄成帝七朝注記皆其所撰似嘗官著作郎終於祠部郎中案軌字弘範江夏人李充字弘度亦江夏人似與充爲昆季行而本志依七錄敘次列其集於李充之前則充猶稍在其後者也其所撰可考見者凡二十三種晉書不爲立傳文苑李充傳亦未附見其人若非釋文敘錄略載庶未幾無從而知之矣此唐修晉書無怪爲後人所指摘也

晉李充集二十二卷梁十五卷錄一卷

李充有論語集解見經部

晉書文苑傳充善楷書妙參鍾索世咸重之

幼好刑名之學深抑虛浮之士嘗著學箴又

注尚書及周易旨六篇釋莊論上下二篇詩

賦表頌等雜文二百四十首行於世

唐書經籍藝文志李充集十四卷

馮氏詩紀輯存嘲友人詩七月七日詩送許

從詩三首

嚴氏全晉文編曰李充有翰林論五十四卷

集二十卷今存賦頌議銘銘弔文及翰林論

凡十五篇

晉司徒蔡謨集十七卷梁四十三卷

蔡謨有喪服譜見經部禮類

晉書本傳謨博學於禮儀宗廟制度多所議

定文筆論議有集行於世

梁皇侃論語義疏敘錄曰晉江熙集解十三

家有蔡謨說

唐張彥遠歷代名畫記曰明帝善書畫最善

畫佛像蔡謨集云帝畫佛於樂賢堂經歷寇亂而堂獨存顯宗效著作爲頌顯宗成帝廟號也故當是敘之誤其事亦見蔡謨傳

唐書經籍藝文志蔡謨集十卷

嚴氏全晉文編蔡謨有集四十三卷今存表

疏上言奏議檄書問難論凡三十二篇

晉揚州刺史殷浩集四卷梁五卷錄一卷

晉書本傳浩字深源陳郡長平人也父羨光

祿勳浩識度清遠弱冠有美名尤善玄言與

叔父融俱好老易融與浩口談則辭屈著篇

則融勝浩由是爲風流談論者所宗征西將

軍庾亮引爲記室參軍累遷司徒左長史後

稱疾不起屏居墓所將十年於時擬之管葛

王濛謝尚猶伺其出處以下江左興亡建元

初簡文帝時在藩始綜萬幾徵爲建武將軍

揚州刺史出爲中軍將軍假節督揚豫徐兗

青五州後姚襄反爲襄所敗坐廢爲庶人徙

東陽之信安縣浩少與桓溫齊名而每心競

溫既以雄豪自許每輕浩浩不之憚也至是

溫謂郝超曰浩有德有言向使作令僕足以

儀刑百揆朝廷用遠其才耳浩雖黜黜放口

無怨言夷神委命談詠不輟永和十二年卒

案浩廢於永和十年二月見穆帝本紀

唐書經籍藝文志殷浩集五卷

嚴氏全晉文編殷浩有集五卷今存道王羲

之書遺褚裒書易象論凡三篇

梁又有吳興孝廉鈕滔集五卷錄一卷亡

鈕滔始末未詳

唐書經籍藝文志鈕涑集五卷

案本志下文晉代婦人集中有松陽令鈕涑母孫瓊集二卷似即此鈕涑

梁又有宣城內史劉系之集五卷錄一卷亡

劉系之始末未詳

唐書經籍藝文志劉系之集五卷

案通典八十二九十五有劉系之問荀訥二條又九十六九十八劉系之問王冀二

條訥冀皆穆帝時太常

庾赤王集四卷王當爲王既錄寫不得例以篆法

晉書庾亮傳亮弟擇擇子統字長仁少有令

名司空太尉辟皆不就調補撫軍會稽王司

馬出爲建威將軍寧夷護軍尋陽太守年二

十九卒時人稱其才器甚痛惜之

世說賞鑒篇曰簡文目庾赤玉省率治除謝

仁祖云庾赤玉胸中無宿物注赤玉庾統小

字衛將軍擇子也少有令名仕至尋陽太守

晉尋陽太守庾純集八卷純當爲統

唐書經籍藝文志庾統集二卷

嚴氏全晉文編曰庾統爲尋陽太守有集八

卷隋志誤作庾純初學記十七引三人贊之

朱明張臣尉贊凡二條

案此即庾赤王集之別本

梁有驃騎司馬王脩集二卷錄一卷亡太原

晉書外戚王濛傳濛子脩字敬仁小字荀子

案世說新語作荀子明秀有美稱號曰流奔清

舉年十二作賢全論案全當爲人濛以示劉恢

曰敬仁此論便足以參微言案濛下當更有微

字起家著作郎琅邪王文學轉中軍司馬未

拜而卒年二十四臨終歎曰無愧古人年與

之齊矣案後漢王延壽王延壽王延壽卒年二十四亦各有

集見前

唐書經籍藝文志王脩集二卷

嚴氏全晉文編曰世說文學篇引王脩集有

賢人論

梁有衛將軍謝尚集十卷錄一卷亡

晉書本傳尚字仁祖豫章太守鯢之子也鯢

開國陽夏人有父見前幼有至性神悟夙成及長

開率類秀辨悟絕倫脫略細行不爲流俗之

事遂知名善音樂博綜衆藝司徒王導深器

之比之王戎常呼爲小安豐辟爲掾襲父爵

咸亭侯累遷鎮西將軍鎮壽陽尚於是采拾

樂人并制石磬以備太樂江表有鍾石之樂

自尚始也升平初又進都督豫冀幽并四州

徵拜衛將軍未至卒於溧陽時年五十諡曰

簡

唐書經籍藝文志謝尚集五卷

馮氏詩紀輯存大道曲一篇

嚴氏全晉文編謝尚有集十卷今存談賦一

條及議書三篇

梁有青州刺史王俠集二卷亡

王俠一作王浹始末並未詳

唐書經籍藝文志王俠集二卷

案晉書穆帝本紀永和五年夏四月石季

龍死子世嗣僞位五月石遵廢世自立六

月石遵揚州刺史王浹以壽陽來降兩唐

志亦皆作王浹疑即此王俠又唐志與王

度集相類從度亦仕石氏歸降者與此王

俠尤相近殆歸晉終於青州刺史歟

晉西中郎將王胡之集十卷梁五卷錄一卷頃邪

晉書王廙傳廙子頤之頤之弟胡之字脩齡

弱冠有聲譽歷郡守侍中丹陽尹素有風眩

疾發動甚數而神明不損石季龍死朝廷欲

綏輯河洛以胡之爲西中郎將司州刺史以

疾固辭未行而卒

世說品藻篇注王胡之別傳曰胡之好談諧

善屬文辭爲當世所重

唐書經籍藝文志王胡之集五卷

嚴氏全晉文編王胡之有集十卷今存表疏

牋書凡四篇

晉中書令王洽集五卷錄一卷頃邪

晉書王導傳洽字敬和導諸子中最知名與

荀羨俱有美稱弱冠歷散騎中書郎數遷至

領軍尋加中書令固讓表疏十上穆帝詔曰

敬和清裁貴令昔爲中書郎吾時尙小數呼

見意甚親之今所以用爲令既機任須才且

欲時時相見其講文章待以友臣之義而累

表固讓甚違本懷以催洽令拜苦讓遂不受

升平二年卒於官年三十六

唐書經籍藝文志王洽集三卷

嚴氏全晉文編王洽有集五卷今存表書凡

四篇

梁有宜春令范保集七卷亡

范保始末未詳